

光山金氏家乘重刊序

譜者普也普合諸族而編錄也乘者承也以記一家之相承也
蓋講明本源親睦宗族是古人作譜之本意而亦修彝倫厚風
俗之一事豈無有補於世教哉吾金之譜自沙溪先庄牀始哀
輯之後瑞石竹泉二公紹而述焉至於壬寅修譜時京鄉異議
不爲合編者以尚書令公一代之疑貳也翌年癸卯鄉居諸族
合議而修譜矣其後辛卯雙溪之譜已酉佛甲之譜欲合而終
不合者以涇渭無別珷珉相混故宗議相厓角也甲戌年間依
京鄉大同譜雖克成編而註疏多漏分秩不均實不可考焉先
族祖松廬公嘗言譜事曰吾籍光之金世遠族繁京鄉合譜事
甚艱大粹難合議吾首山公子孫散居長羅靈三邑數亦不多

族亦不遠同聲協心刊作一小譜以貽後昆寔是便宜此乃至
正之論也然而三派之合譜亦未成就其勢使之然耶吁可歎
矣癸卯後五十年而至壬辰吾祖奉訓郎公以下一派家乘始成
此先門父所以正紊撮要以修自靖之道也其後五十九年庚
寅以此例再修家乘又二十四年癸丑復修家乘碧流公一派
收單來到合而編錄今距癸丑只逾一支周而非但生卒之頗
多世降俗流營私忘先者或有之遠居漏錄者亦有之乃已則
幾不至於路人之疎耶客年秋族議僉和復倣壬辰條例修家
乘始以忠貞公誌文爲考証可歎文獻之不足也員外公旣爲秉
筆則何詳於先而畧於後也謹按舊譜序文中有樞密公爲尚書
令公之禰明白無疑云者有何可據文籍乎必是自述其臆料

而已今以忠貞公誌文考之則輿詰公序文中有忠貞公某乃
玄祖云者與滄洲集中有樞密公上逸代之疑云者可不言而
解矣但可疑者文肅公誌文與良簡公帳籍相左也抑亦樞密
公有初晚異諱歟然則爵號亦何有異或者以爲此一代昭穆
疑晦難明文肅公世系以尙書令公爲一世起層而載上間良
簡公世系以樞密公爲一世起層而載上間可也此則有大不
可者忠貞公乃文肅公之玄祖也其間有禰祖曾高四世明白
無疑奈何以十世變爲一世耶京譜中以尙書令公與樞密公
併列于一行似或近是而數百年六七度譜牒中父子之倫顛
倒爲弟兄行則是可惑而且寒心也茲依金石之文忠貞公之
下記三子員外公給事公衛尉公諱字而且未知尙書公與樞

密公當系於某公之下若系于員外公之下則僕射公之諱字
必不犯於祖諱矣此所不敢也系于次房則仲季之間亦無可
據明徵吾先系昭穆之疑晦至此已極矣姑依誌文與京譜所
載編錄而因註傳疑以俟後來

戊辰閏二月下泚後孫在鑑謹序

夫百世宗族同錄曰族譜譜者屬也牒也派系昭穆屬以爲牒
也惟本派世家集編曰家乘乘者記也史也年代事蹟記以爲
史也蓋其事巨細不齊而其揆則一也噫吾金始王於羅大官
於麗而暨我朝亦以名門巨冢蔓延乎東方其麗寶不知
其幾億也粵在沙溪先生時始作譜而瑞石竹泉二公繼而修
之蓋以謂長德君子得信蹟而筆之矣 英宗己巳文肅公誌

文發見也有禰祖曾三世諱字官爵及其二胤官啣而惟其曾
祖諱位字尚書令公會所未載於譜也良簡公帳籍傳來也有
禰祖曾三世諱與職而是則同昭載於譜也 隆熙庚戌忠貞
公誌文又發出也有禰祖曾高四世官爵諱字又有三胤官啣
而其三胤官啣亦未載於譜也然是皆當時子姓中親托與親
製文也當爲后者焉敢有孰信而孰不信歟且按輿誥公詩序
有忠貞公某乃玄祖也滄洲公集中有樞密公上逸代也蓋二
公如無孰聳則何如是云乎哉以二公詩集準考於文肅公誌
文良簡公帳籍則其世系嗣屬似可爲的當矣惟尚書令公樞
密公莫可填書於忠貞公三子中某公之子也不得不空其下
傳疑而其左傍只書諱某官某以修系牒恐當合義也雖然此

果非上古無譜之致耶嗚呼吾金修譜始自中古間世比比而
至文肅公誌文出見後宗議歧貳世系未得其正矣今又出忠
貞公誌文也典誥公玄祖之語尤可爲明證也滄洲公逸代之
疑亦可以昭釋也所謂同我氏金之家斷當一齊修譜以定先
系之紊亂而但事巨勢煩猝難合議故惟吾祖奉訓郎公下子
孫團議設役修正世系而小其譜規也故序之曰光山金氏家
乘云爾

戊辰閏二月 日後孫永采謹序

光山金氏家乘重刊序

夫正倫理篤恩義厚風俗莫先乎明譜系譜系不明則一人之身分而爲千萬人一世之親流而至百千世後屬疎遠支流蔓延而不識而名不知喜不慶而憂不帶則此是塗人耳自上而達下則一本而萬殊也自下而達上則萬殊而一本也此譜之所以作也吾金素以新羅璿派自麗迄我文章德業爲世所宗簪纓名節代不乏人而累世行績昭載舊序不必架壘其麗不億備滿一國大同之譜事巨力懸粹難湊合惟我奉訓郎公後孫散處列邑亦爲數百戶茲敢發議僉謀和同以新羅王子公爲始祖以奉訓郎公爲分派之祖而生卒履歷及墓所消詳載錄雖未爲一族之全譜足可爲一家之小乘此猶江漢之有

沲潛耳去癸丑先伯隱圃公已爲修譜歲不久遠不必汲汲而
各派中或有流漏者且世事滄乘恐有文獻之遺佚故不揆誠
淺與族叔聲振及永采敦鉉沐彥諸族鼓以大事擔任遷延時
月今茲了役伏願諸宗無以好事見誚幸矣云著雍執徐之歲
臨之月 後孫在洪謹書

鷄林金氏世系

金闕智

官太輔○道
尊世祖王○
妃摩貞夫人
昔氏父角干
摩造祖脫解
王一本龍城
國王舍達婆
曾孫

二世

子勢漢

勢一作熱官
居西干○按
尼師今居西
干昔新羅王
者之号又貴
入之稱

三世

子阿道

道一作都官
波干

四世

子首雷

首一作壽官
角干

五世

子郁甫

甫一作部又
作輔官角干

六世

子葛文王

葛文王

諱仇道道一
依乃官浚珍
食○葛文羅
時追尊王考

子味鄒王

沿解王無子
國人立之金
氏有國始此
如光明夫人

七世

八世

九世

十世

十一世